

隨州志卷之十四

隨州知州張璿輯

墓域

古人可作吾誰與歸觀乎九京感舊情深矣乃歷年久遠遺失已多幸而殘碑猶存姓氏可考什僅一二能勿表而出之俾後之人敬護勿替乎志墓域第三

十

隨侯墓在西北九十里石門之南冢高二丈許舊傳為隨侯冢見德安府志

隨州志

卷之十四 墓域

隨大夫季梁墓在城東三里季家灣俗稱賢人墓

蔡昭墓在光化鎮昭後漢時人天下碑錄載蔡昭碑在隨

州光化縣今失

宋征西將軍宗慤墓在玉波門內宗駕崩乾隆十三年居

民鋤地得斷碑僅存一慤字餘皆剝落知州主雲翔為

立於墓前旋失去二十八年知州李閻稜復立石刻宗

慤墓三字

梁隨郡太守劉道成墓在城南三里望城岡乾隆五十三

年墓因雨損居民於十

年墓因雨損居民於十



岱募修彌勒殿疏

江南文公祠在南關襟漢樓外乾隆二十七年江蘇諸商  
公建

東臯寺在龍會門外三里明代建

金燈寺在城東五里宋慶歷間知渭州尹師魯謫隨州日

居斯寺梅聖俞詩題有使者自漢東來言師魯寓止僧

舍蓋即指此寺也有尹公亭在院北高阜處竹柏環列

是師魯所建以為遊息地州從事謝景平有記熙寧中

知隨州李禹卿復修之曾子固記記載藝文中但曾記云尹

隨州志

卷之十四

寺觀

四

公謫是州居城東五里開元佛寺之金燈院則當時尚  
有開元寺而金燈乃其下院也今俱廢

護國寺一名三寶菴在北關外西街後建始莫考後廢康

熙十年知州劉震重建

百子菴在北門外高家橋北俗呼觀音堂自明以來有之

後廢順治十六年知州陳秉化重建

智門寺在城南三里隨城山其始建無考順治十六年知

州陳秉化重建有重建寺碑記其文為前州判唐高賦

撰稱寺為光祚禪師飛昇處光祚不知何時人又述其

語錄有蓮花荷葉菟子懷胎諸說謂備載宗譜今亦不傳又云寺歷唐宋數百禩順治初宗門僧慈航於山下掘得斷碑有智門遺蹟字乃告於知州程文光爲創建佛殿三楹後知州陳秉化復大爲募修規模始具寺有七層塔明代建今圯其半

迴龍寺在城南十二里迴龍山雍正元年建形家言地爲州治文風所關故建此寺山下有泉味極甘冽

寶善寺在城南二十里浙河店中街舊名茶菴始建無考龍泉寺在州東北四十里雷山之後建始無考寺中有黑

隨州志

卷之十四

寺觀

五

白二龍湫爲里人禱雨之處

青雲寺在州東四十里萬家店乾隆四十八年建

泉水寺在州東四十里建始無考清泉瀉石曲徑穿林別

城幽勝

雙河寺在州東北五十里塔兒灣東鍾靈山上其建始無考

高城寺在州東北六十里高城鎮舊名慈氏寺元至正五年建明萬歷甲辰重修其殿宇極盛今傾圮殆盡寺中有四銅佛像其大者高五尺藏經八百餘函又有鐵

鐵磬鐵碑皆明代鑄自記碑重二千八百斤門外鐵磬云重四百五十斤

佛子洞在州東北一百五十里因洞建寺創始於宋大觀九年後漸圯明參將宋之彥重修之又建西萊閣於洞巖之上侍郎張之蕙爲作序其下有金臺觀亦宋世遺蹟

金仙寺在佛子洞山明末里人王鳴鳳建

華藏寺在州北一百五十五里宋家灣明成化五年建

率提寺在州東北二百里淮河店建始無考乾隆十五年

隨州志

卷之四

寺觀

六

寺僧某重修

大悲寺在淮河店明正德五年建

龍潭寺在州東北一百九十里白水崖爲明僧真空卓錫

地其建始無考監察御史南豐宋原端有重修龍潭寺

真空菴記稱空爲新淦陳氏子幼披剃於袁州慈化寺

按空卽覺海月公受度師又曾主緒陽普巖道場一峯

碑稱其禪行堅潔亦當時耆宿也山下有東西兩大寺

太平寺在州北一百九十五里太白山絕頂不詳其建始

何年舊志但稱漢留侯辟穀處未知何據寺北有留侯

澗

延福禪院在州北一百八十里晃山下俗亦稱爲慈忍禪師修道之所

雲禪寺在州北一百五十里七峯山白石巖林巒盤鬱饒有異景明嘉靖十三年某僧建寺中有碑述此僧行業但其名字剝落考普濟寺碑稱宣德中有真空禪師住持此山妙覺寺不知此寺卽是妙覺否寺左白龍池爲里人水旱祈禱之所其西南十里有黃龍寺在黃龍池上寺中范銅爲佛及諸天像共十有四舊志載有僧大

隨州志

卷之四

寺觀

七

休棲止此山亦不知卓錫何寺

來安寺在州東北一百十里獲弩山建始無考

青臺寺在州北一百里

興福寺在州北一百里小石山明僧永斌建

普濟寺在州西北一百五十里嶧嶗山衆峯圍拱之中巖然深藏殿有三鐵佛像殿東一龕有魯班像寺於明爲巨剎後漸圯今惟西偏數楹稍加修葺以存舊貫而已中有二碑一碑爲明月公禪師行業碑河南沙門一峯撰稱寺爲唐慈忍大師創建盤基宏曠歷代增修遭兵

燹基址俱陷正統甲子師方卓錫斯山乃葺其茅茨孤  
隱數年四方善信聞風來謁相尾於徑大路方通歲在  
戊辰鳩工庇材歷有年載漸次落成殿堂廊廡法輪寶  
藏莫不軒翥丹碧繩直翼舒巨剎頓成宗幢斯樹前代  
廢墜與然一新望隆維楚矣一碑是住持通公碑錢塘  
沙門德詳撰稱通能紹述宗風及善信棘陽袁銘袁志  
捨財裝塑伽藍事

羅漢寺在州西北一百三十里蔣家山卽雞鳴走峯也明  
成化五年建

隨州志

卷之四

寺觀

八

大悲寺在州西北一百三十里鐵山之前舊名古觀音堂  
成化五年建

巖巖寺在獅子山明成化五年建因山爲基高下殊致內  
有千佛繞毘盧像

孤山寺在州西北一百里孤山之南俗稱南殿寺建始無

考

長慶寺在州西四十里清涼山下宋僧長慶開山道場也  
長慶於元祐初來隨以山景幽異故建刹其地中有七  
井可供千僧汲蓋慶師道法廣播遠近趨向緇徒依座

迨及千火移錫後法席猶盛自宋歷元明爲兵火所不  
到人以長慶爲福地明末流寇日熾土人環山爲堡爭  
藏其中者二十年無一人遇害寺久漸廢

本朝順治初一老僧苦身募化閱二十年功始克竣其前爲  
大雄殿東向爲大士殿後爲三佛殿進爲地藏殿支進  
而西向爲闕帝殿皆雄壯加於前齋堂靜室香積僧寮  
無不備七井湮塞過半僧濬其一二州人梁木記惜不  
載此僧名或云僧亦州人其初避難堡中者也

寶豐寺在州西四十里宋元祐中僧長慶建記稱於滄岸

隨州志

卷之十四

寺觀

九

北十里立寶豐寺卽今寶德觀實長慶寺下院也

觀音寺在州西四十里安居之北亦長慶建蓋慶師法筵  
旣廣禪侶雲集故分立南北兩院以居諸徒

丫角寺在州西七十里藥山之頂不知其舊何名

嵩山寺在州西八十里潏潭東寺在山上北臨潭水

黃龍寺在州西九十里

湯池寺在州西南一百二十里寺以溫泉得名其前有湯  
池

靈峯寺在州西南一百三十里大洪山頂俗稱洪山寺唐

慈忍禪師道場也慈忍受法於馬祖馬祖送之有遇湖  
卽住之語寶歷二年七月行抵山麓問山何名鄉人曰  
大湖山忍遂默契師言卽卓錫焉後以祈雨獲應鄉人  
張武陵施地爲菴因山構屋高下錯落極山居之勝文  
宗朝賜名幽濟禪院晉天福中賜奇峯寺額宋元豐元  
年又賜靈峯寺額皆以祈禱有功也元祐元年州人賈  
道辰重修紹聖元年詔以少林寺僧報恩爲洪山住持  
恩至遂鑿險爲平闢其南面以正方位於是堂殿門廡  
規模宏整翼然巨構矣改名十方禪院張商英記之乾

隨州志

卷之十四

寺觀

十

道元年州人覃道鍾復修西殿元至元中僧宗明復以  
禱雨有功衆爲重修殿宇勅賜崇寧萬壽禪寺額明正  
統間僧通賢自南京受檄來主法席因建藏經閣宏治  
燬於火其徒宗滿復募衆施重構殿閣崇飾諸像嘉靖  
初住持宗然復建天王殿及丈室儀觀益備僧紹滿置  
五大部經繪諸佛像崇虔閣中巡撫顧璘爲記自是以  
後寺亦漸頽廢僅餘南院爲羣僧棲止之所萬歷閒蜀  
僧廣祥駐錫茲利於是發願重修以復唐宋靈蹟經始  
於崇正四年大雄祖師諸殿藏經鐘鼓樓以次畢舉至

七年二月落成額曰楚山望剎州進士田見龍記有藏經塔在豬龍陂上高三丈七尺宋嘉祐七年建中藏經五百一十六函及諸佛舍利其先後寫經人姓名具載於碑

四聖菴在州西南一百十里聖堂里建始無考今以名其里蓋亦古剎也

望洪寺在州西南八十里佛兒嶺寺久頽廢明嘉靖中里人尙珣嘗見此山中夜放光現金真妙相乃卽其舊址捐貲建真武殿殿極宏敞列左右廊四面爲垣前建茶

隨州志

卷之四

寺觀

十一

廳施茶以濟行人蓋地爲入郢要道謁興獻園寢者輒輟所必經至此得休憩焉應城進士陳士元記之

泉興寺在州南九十里盤龍背建於唐代後廢明天啟六年僧了惠重建幽徑迴旋層巒環向寺左清泉出巖石淙淙不絕前洲中多奇石縹秀可玩

妙濟寺在州南六十里靈泉山前臨五港故俗稱五港寺碑爲宋大明五年立其字剝蝕已盡歐陽公集古錄蒐羅天下碑刻殆遍而於隨之義井蔡昭墓紫陽塔銘俱不收入殆不可解此碑以地僻故并不見於輿地志

他碑曰可爲深惜故特表出之

紫溪寺在州南四十里紫溪里浪水之南

現光寺在州南六十里現光山其建始無考寺有銅佛像  
明正德四年鑄相傳鑄像時僧出募銅有一汲水女以  
一錢畀僧僧棄於井不顧既而鑄像不成僧疑棄錢故  
遂竭井取錢投入鑪中像遂成背上錢形宛然山上又  
有仙城公主廟

雲罩寺在州南四十里府君山舊傳僧了靈始建境極幽

邃岡巒互抱瀾水環流實棲禪之勝地寺中樓殿層出

隨州志

卷之十四

寺觀

三

勢取北向中爲大雄殿前有天王殿後爲方丈左爲客  
堂爲齋廚右爲藏經閣有僧六明重闡禪宗編流雲集  
法席稱盛

本朝康熙十年長沙僧道階來棲安陸法雲菴爲郡守許廷  
試所敬廷試夕夢遊名山入禮古寺僧堅請修醒而異  
之命名階師而師已先期來寺備言其山巒狀恍符夢  
境因相與贊成闕二年告竣壯麗過於昔日學正王代  
爲之記

雙泉寺在州南六十里洛陽店其建始無考寺有兩泉一

名七寶泉一名珊瑚泉相傳昔人於井中探得諸寶故立石井上以名其泉寺爲蜀僧雲外卓錫地康熙初募建禪房見王岱浮槎別集

鐵塔寺在州南六十里洛陽店寺有鐵塔高三丈有奇元至正四年鑄

鳳山寺在州南六十里洛陽店舊頗狹小乾隆三十九年老僧碧潭苦行募修始爲恢廣遂與雙泉鐵塔並稱巨刹矣

白雲寺在州南四十里辰山本名黃雲寺舊毀康熙初住

隨州志

卷之四

寺觀

十三

持僧青雪重修遂改今名寺舊碑稱宋乾德五年建寺右普同塔與寺同建後有古松數百株鬱然幽徑

崇佛寺在城南四十里崇佛山本明顧氏捨宅康熙閒僧鐵雲募修州人周之仲有記

萬法禪寺在州北四十里厲山坡明天啟元年僧德維建

本朝乾隆三十年僧惺谷重修知州李澗棧記

紫城寺在州北二十里紫城山

舊志尚有海會寺華嚴寺慈航寺老滿寺海潮寺蓮花寺文殊寺白羊寺顯太寺太平寺水西寺普照寺等寺今皆不知何在

元妙觀在南關內東街後宋元遺構也其建始年月無考  
明萬歷間知州趙士貞重修

本朝康熙四十三年知州李國璋重建三清殿其前有夫符  
廟雍正六年建

神農觀在州東北一百二十里烈山

詳山志

鸚鵡觀在州東北一百三十里鸚鵡山建始無考

玉皇閣在州東北一百五十里玉皇頂

玉皇閣在州東北一百九十里太乙山頂  
魏石成廟不知何時建

隋州志

卷之四

寺觀

古

真武廟在州北一百九十里九龍山明正德二年里人後  
增建鑄鐵為真武像又鑄銅玉皇像

清和宮在州西北一百四十里雞鳴山上建始無考  
山頂有真武殿明宏治中僧淨裕建有碑歷記建修始末  
外有靈官殿迴龍觀俱

本朝乾隆三十八年重修

真武廟在州西北華寶山上

寶德觀在州西四十五里

祖師殿在州西十里寄龍山

舊志尚有金燈觀太平觀息  
城觀玉真觀今皆不知何在

龍王廟在城內夜光池前乾隆四十五年知州吳蔡孫建  
仁聖廟在龍會門外明正德十一年知州張延壽建祀東  
嶽神後有玉皇閣左有天符廟

天符廟在小南門外雲路街後乾隆十六年里人建

老關帝廟在漢東門外順治中山陝諸商公建

仙城公主在州南六十里現光山

詳山志

水府廟在州西北九十里唐縣鎮

舊志尚有隋文帝廟費神  
龍王廟夜光廟今皆廢

隨州志

卷之四

寺觀

五

新城城隍廟在州北一百八十里大義里地名新城俗傳  
為舊益陽縣城有鞞城遺基數十步舊土城二百餘丈  
內有城隍廟至今禮祀不絕益陽縣於此地無考當是  
義陽之訛然義陽魏縣不應於魏晉間已有城隍之祀